

Suara Anda, Kami Dengar



Pengemis asing meningkat

JKM tak nafikan lambakan peminta sedekah di sekitar ibu kota sejak lapan bulan lalu

Oleh Amir Abd Hamid
amir_hamid@mediapri-
ma.com.my

Kuala Lumpur

Jabatan Kebajikan Masyarakat (JKM) tidak menafikan wujud peningkatan jumlah pengemis warga asing di ibu negara bagi lapan bulan pertama tahun ini berbanding tahun lalu.

Ia berdasarkan rekod pengemis diselamatkan dalam Operasi Membanteras Pengemis dijalankan agensi itu bersama pihak berkuasa lain.

Pengarah JKM Kuala Lumpur, Che Samsuzuki Che Noh berkata, seramai 560 pengemis ditahan pada Januari

hingga Ogos lalu dengan 380 warga asing manakala 180 rakyat tempatan.

Katanya, jumlah itu berbanding 234 pengemis pada 2022 iaitu 98 bukan warga negara dan 136 lagi pengemis tempatan.

“Mereka ditahan menerusi 63 operasi berjadual dan 14 kali operasi *ad hoc* yang dibuat berdasarkan aduan awam. Wang pungutan berjaya diperoleh adalah RM9,885, tertinggi setakat ini,” katanya.

Mengulas lanjut statistik itu, Che Samsuzuki berkata, 67 daripada pengemis diselamatkan kanak-kanak warga asing, selain 10 pengemis orang kurang upaya (OKU) bukan warga negara. “Warga emas yang kita da-



SERAMAI 560 pengemis ditahan pada Januari hingga Ogos lalu dengan 380 warga asing manakala 180 rakyat tempatan.

pat selamatkan seramai 75 warga negara, 25 orang bukan warga negara,” katanya.

Beliau berkata, kebanyakan pengemis terutama kanak-kanak warga asing ter-

ranan kepada Kementerian Dalam Negeri (KDN) selesaikan (masalah ini) dengan UNHCR,” katanya.

Menurutnya, JKM juga tidak boleh bertindak agresif terhadap pengemis kategori itu kerana ‘perlindungan’ di bawah undang-undang antarabangsa.

“Kakitangan awam seperti kita ini tertakluk kepada punca kuasa. Kalau tiada punca kuasa, kita tak boleh nak bertindak. Jadi punca kuasa itu yang diperlukan sekarang ini. Kenapa ada penyelesaian isu pengemis warga asing yang dilihat semakin menjadidi-jadi,” katanya.

Che Samsuzuki berkata, pengemis warga asing diselamatkan mempunyai

dokumentasi diserahkan kepada Imigresen, manakala pengemis lain ditempatkan di transit gelandangan atau Pusat Sehenti Bina Diri Sungai Buloh.

Beliau memberitahu operasi bersepadu akan terus dilaksanakan pihaknya bersama Dewan Bandaraya Kuala Lumpur (DBKL), Polis Diraja Malaysia (PDRM) dan pihak Jabatan Agama Islam Wilayah Persekutuan (Jawi).

Katanya, turut dilaksanakan kempen advokasi Bijak Memberi, Elak Tertipu untuk memberi kesedaran kepada rakyat agar tidak terpedaya dengan pengemis yang mengambil kesempatan, selain menyalurkan aduan ke Talian Kasih 15999.